



SLUŽBENI LIST

SOCIJALISTIČKE REPUBLIKE BOSNE I HERCEGOVINE

Godina XLIV – Broj 39

Petak, 11. novembra 1988.
SARAJEVO

Godišnja pretplata 45.000 dinara
Cijena ovom broju 1.000 dinara
Žiro-račun 10100-603-1396

396

Na osnovu člana 7. stav 1. Zakona o društvenoj kontroli cijena (»Službeni list SRBiH«, br. 9/85 i 25/88), Izvršno vijeće Skupštine Socijalističke Republike Bosne i Hercegovine donosi

ODLUKU

O ODREĐIVANJU NAJVIŠEG NIVOA CIJENA I NAJVIŠIH CIJENA ZA ODREĐENE PROIZVODE I USLUGE OD INTERESA ZA SOCIJALISTIČKU REPUBLIKU BOSNU I HERCEGOVINU

I

Organizacije udruženog rada koje se bave osiguranjem motornih vozila mogu premije obaveznog osiguranja motornih vozila za štete pricinjene trećim licima, koje su obrazovane po propisima i primijenjene na dan stupanja na snagu ove odluke, povećati linearno do 56,70%.

II

Cijene školskih udžbenika, prevoza putnika u javnom međumjesnom drumskom saobraćaju i radio televizijske pretplate, koje su obrazovane po propisima i primijenjene na dan stupanja na snagu ove odluke, određuju se kao najviše cijene.

III

Organizacije udruženog rada dužne su da u roku od tri dana od dana primjenjivanja cijena odnosno tarifa po ovoj odluci, Republičkom komitetu za robni promet – Republičkom zavodu za cijene dostave podatke o cijenama odnosno tarifama obrazovanim po tački 1. ove odluke.

IV

Danom stupanja na snagu ove odluke prestaje da važi Odluka o određivanju najvišeg nivoa cijena i najviših cijena za određene proizvode i usluge od interesa za Socijalističku Republiku Bosnu i Hercegovinu (»Službeni list SRBiH«, broj 15/88) i Odluka o određivanju najvišeg nivoa cijena za određene usluge od interesa za Socijalističku Republiku Bosnu i Hercegovinu (»Službeni list SRBiH«, br. 27/88 i 36/88).

V

Ova odluka stupa na snagu narednog dana od dana objavljivanja u »Službenom listu SRBiH«.

I. V. broj 147
10. novembra 1988. godine
Sarajevo

Potpredsjednik
Izvršnog vijeća,
dr Mirko Puljić, s.r.

397

Na osnovu člana 6. Zakona o korišćenju dijela posebnog poreza na promet proizvoda za određene namjene (»Službeni list SRBiH«, broj 37/88), po prethodno pribavljenom mišljenju Vijeća Saveza sindikata Bosne i Hercegovine, Izvršno vijeće Skupštine Socijalističke Republike Bosne i Hercegovine, donosi

ODLUKU

O KRITERIJIMA I MJERILIMA ZA RASPODJELU SREDSTAVA NAMIJENJENIH ZA ZAŠTITU ŽIVOTNOG STANDARDA RADNIH LJUDI I GRAĐANA S NAJNIŽIM PRIMANJIMA NA NOSIOCE SOCIJALNO-ZAŠTITNIH PRAVA

I

Nosioci socijalno-zaštitnih prava (u daljem tekstu: nosioci) u smislu ove odluke jesu: Samoupravna interesna zajednica za zapošljavanje Bosne i Hercegovine – za korisnike novčane naknade i pomoći za vrijeme nezaposlenosti; Savez samoupravnih interesnih zajednica socijalne i dječije zaštite Bosne i Hercegovine – za korisnike socijalne i dječije zaštite; Samoupravna interesna zajednica penzijskog i invalidskog osiguranja Bosne i Hercegovine – za korisnike penzije sa zaštitnim dodatkom i zajamčenom penzijom; Samoupravna interesna zajednica za visoko obrazovanje Bosne i Hercegovine – za studente koji ostvaruju pravo na materijalnu pomoć za ishranu; Republički komitet za pitanja boraca i vojnih invalida – za korisnike boračko-invalidske zaštite po opštinskim i republičkim propisima i organizacije udruženog rada – za radnike koji primaju najniži iznos zajamčenog ličnog dohotka.

II

Od ukupnih sredstava namijenjenih za zaštitu životnog standarda radnih ljudi i građana, na osnovu člana 3. tačka 3. Zakona o korišćenju dijela posebnog poreza na promet proizvoda za određene namjene, prije raspoređivanja na pojedine nosioce iz prethodne tačke, izdvojiće se 10% sredstava i zadržati na zajedničkom (zbirnom) računu za potrebe u izuzetnim slučajevima.

Odluku o upotrebi sredstava iz prethodnog stava donosiće Izvršno vijeće Skupštine Socijalističke Republike Bosne i Hercegovine, po prethodno pribavljenom mišljenju Predsjedništva Vijeća Saveza sindikata Bosne i Hercegovine.

III

Kriteriji i mjerila za raspodjelu ukupnih sredstava iz stava 1. prethodne tačke na nosioce iz tačke I ove odluke jesu:

1. broj korisnika kod pojedinog nosioca,
2. prosječna visina ličnog primanja korisnika,
3. ukupna masa sredstava koju pojedini nosilac isplaćuje korisnicima,
4. učešće isplaćenih sredstava pojedinog nosioca u ukupno angažovanim sredstvima za ove namjene svih nosilaca,
5. korekcija učešća po osnovu složenosti problema i društvenog značaja za njegovo rješavanje.

IV

Učešće pojedinog nosioca u ukupnim sredstvima, u skladu sa kriterijima i mjerilima iz prethodne tačke, iznosi:

Redni broj	Korisnik	Učešće pojedinog nosioca u ukupnim sredstvima u %
1.	Novčane naknade za nezaposlena lica	19,0
2.	Novčane pomoći za nezaposlena lica	17,0
3.	Stalne osnovne novčane pomoći i dodatka	14,0
4.	Dodatka na djecu	14,0
5.	Boračko-invalidske zaštite po republičkim i opštinskim propisima	12,7
6.	Materijalne pomoći za ishranu studenata	9,5
7.	Penzije sa zaštitnim dodatkom i zajamčene penzije	8,8
8.	Radnici koji primaju najniži iznos zajamčenog ličnog dohotka	5,0
UKUPNO:		100,0

Sredstva za zaštitu životnog standarda radnih ljudi i građana doznačena nosiocima na osnovu učešća utvrđenog u prethodnom stavu mogu se koristiti samo za zaštitu životnog standarda krajnjih korisnika.

V

Učešće pojedinog nosioca u ukupnim sredstvima, na osnovu kriterija i mjerila iz tačke III ove odluke, utvrđivaće se u januaru i julu tekuće godine.

VI

Republički komitet za rad i zapošljavanje, na osnovu učešća pojedinog nosioca u ukupnim sredstvima iz tačke IV ove odluke, vršiće raspodjelu na nosioce svakog mjeseca.

VII

Ova odluka stupa na snagu osmog dana od dana objavljivanja u »Službenom listu SRBiH«.

I. V. broj 148
10. novembra 1988. godine
Sarajevo

Potpredsjednik
Izvršnog vijeća,
dr Mirko Puljić, s.r.

398

Na osnovu člana 26. Zakona o bibliotečkoj djelatnosti (»Službeni list SRBiH«, broj 26/86), predsjednik Republičkog komiteta za obrazovanje, nauku, kulturu i fizičku kulturu, donosi

PRAVILNIK

O USLOVIMA ZA RAD BIBLIOTEKA KOJE SE ORGANIZUJU KAO ORGANIZACIONE JEDINICE

Član 1.

Ovim pravilnikom propisuju se bliži uslovi za rad biblioteka koje se organizuju kao organizacione jedinice u sastavu or-

ganizacija udruženog rada drugih djelatnosti, samoupravnih organizacija i zajednica, društveno-političkih i društvenih organizacija, društveno-političkih zajednica i udruženja građana (u daljem tekstu: biblioteka u sastavu).

Član 2.

Biblioteka u sastavu može obavljati bibliotečku djelatnost ako ima obezbijeđen odgovarajući fond stručno obrađene bibliotečke građe, prostorije i opremu za smještaj, čuvanje, obradu i korišćenje bibliotečke građe i potreban broj stručnih bibliotekarskih radnika.

Član 3.

Narodna biblioteka u sastavu treba da ima fond bibliotečke građe od najmanje 10.000 knjiga.

Fond bibliotečke građe treba da sadrži beletristiku za odrasle i omladinu, dječiju literaturu, stručne i naučno-popularne publikacije, priručnu literaturu i periodične publikacije.

Struktura fonda bibliotečke građe treba da zadovoljava potrebe svih korisnika narodne biblioteke u sastavu.

Biblioteka građa treba da je stručno obrađena odnosno zavedena u knjigu inventara, smještena u police po odgovarajućem sistemu i iskazana u abecednom i stručnom katalogu biblioteke.

Član 4.

Korisna površina narodne biblioteke u sastavu ne može biti manja od 100 m².

U korisnu površinu narodne biblioteke u sastavu spada:
- prostor za smještaj, čuvanje i korišćenje bibliotečke građe,

- prostor za stručnu obradu bibliotečke građe,

- čitaonički prostor sa najmanje 10 mjesta.

Narodna biblioteka u sastavu treba da ima i prostorije sa potrebnim sanitarnim uređajima u skladu sa posebnim propisima.

Član 5.

Na opremu za smještaj, čuvanje i korišćenje bibliotečke građe narodnih biblioteka u sastavu shodno se primjenjuju jugoslovenski standardi za opremu narodnih biblioteka.

Član 6.

Narodna biblioteka u sastavu treba da ima najmanje dva stručna bibliotečka radnika, od kojih jednog sa visokom stručnom spremom.

Za svako naredno povećanje fonda bibliotečke građe od 5.000 knjiga, u odnosu na utvrđeni minimum iz člana 3. stav 1. ovog pravilnika, narodna biblioteka u sastavu dužna je da obezbijedi još jednog stručnog bibliotečkog radnika.

Član 7.

Školska biblioteka u sastavu treba da ima fond bibliotečke građe koji se odrađuje prema ukupnom broju učenika škole, i to u odnosu 9 knjiga na svakog učenika.

Fond bibliotečke građe treba da sadrži propisanu školsku lektiru, naučno-popularnu i stručnu literaturu, periodične publikacije, bibliografije, enciklopedije, leksikone, rječnike i druge priručnike.

Školska biblioteka u sastavu ima i informaciono-dokumentacionu i audio-vizuelnu građu, te stručno-pedagošku literaturu za stručno usavršavanje nastavnika.

Biblioteka građa treba da je stručno obrađena odnosno zavedena u knjigu inventara, smještena u police po odgovarajućem sistemu i iskazana u katalozima biblioteke.

Rad i organizacija rada školske biblioteke u sastavu mora biti u skladu sa odgovarajućim pedagoškim standardima za predškolsko, osnovno ili srednje usmjereno obrazovanje i vaspitanje.

Član 8.

Korisna površina i oprema prostora za školsku biblioteku u sastavu mora biti u skladu sa utvrđenim normativima za planiranje, projektovanje, izgradnju i namještaj škola.

Korisna površina prostora školske biblioteke u sastavu obuhvata prostor za smještaj bibliotečke građe, pružanje informacija i usluživanje korisnika, te čitaonički prostor.

Čitaonički prostor treba da je opremljen za grupni i individualni rad, kao i za korišćenje audio-vizuelne i druge informacione građe.

Član 9.

Školska biblioteka u sastavu škole koja ima 24 odjeljenja ili školska biblioteka sa knjižnim fondom od najmanje 5.000 knjiga ima jednog stručnog bibliotečkog radnika.

Školska biblioteka u sastavu škole koja ima 24 odjeljenja ili školska biblioteka sa knjižnim fondom od najmanje 5.000 knjiga ima jednog stručnog bibliotečkog radnika. Svako naredno povećanje broja stručnih bibliotečkih radnika određuje se prema koeficijentu utvrđenom u pedagoškim standardima za predškolsko, osnovno ili srednje usmjereno obrazovanje i vaspitanje.

Stručni bibliotečki radnik treba da ima visoku odnosno višu stručnu spremu i određeno pedagoško i didaktičko-metodičko znanje.

Član 10.

Visokoškolska biblioteka u sastavu treba da ima fond bibliotečke građe od najmanje 10.000 knjiga i 50 naslova periodičnih publikacija.

Fond bibliotečke građe treba da sadrži domaća i strana djela trajne naučne i obrazovne vrijednosti, univerzitetske udžbenike, publikacije domaćih i stranih univerziteta, doktorske disertacije, magistarske radove, istraživačke projekte i ostalu informaciono-dokumentacionu i audio-vizuelnu građu.

Struktura fonda bibliotečke građe treba da odgovara naučno-nastavnom programu visokoškolske organizacije u čijem je sastavu biblioteka.

Bibliotečka građa treba da je stručno obrađena odnosno zavedena u knjigu inventara, smještena u police po odgovarajućem sistemu i iskazana u katalozima biblioteke.

Član 11.

Korisna površina visokoškolske biblioteke u sastavu mora biti u skladu sa jugoslovenskim standardima koji se odnose na prostor visokoškolskih biblioteka.

U korisnu površinu visokoškolske biblioteke u sastavu spada:

- prostor za smještaj, obradu, čuvanje i korišćenje bibliotečke građe,
- čitaonički prostor.

Član 12.

Na opremu za smještaj, čuvanje i korišćenje bibliotečke građe visokoškolskih biblioteka u sastavu shodno se primjenjuju jugoslovenski standardi za opremu visokoškolskih biblioteka.

Član 13.

Visokoškolska biblioteka u sastavu treba da ima najmanje dva stručna bibliotečka radnika, od kojih jednog sa visokom stručnom spremom.

Član 14.

Specijalna biblioteka u sastavu treba da ima fond bibliotečke građe od najmanje 2.500 jedinica.

Fond specijalne biblioteke u sastavu sadrži knjige, periodične publikacije, priručnu i referentnu literaturu, istraživačke projekte i izvještaje, planove i tehničke crteže, patente i ostalu informaciono-dokumentacionu i audio-vizuelnu građu.

Struktura fonda bibliotečke građe treba da odgovara potrebama i programskoj djelatnosti organizacija, zajednica i udruženja u čijem sastavu je specijalna biblioteka.

Bibliotečka građa može biti objedinjena na jednom mjestu ili raspoređena u manje priručne zbirke.

Bibliotečka građa treba da je stručno obrađena odnosno zavedena u knjigu inventara, smještena u police po odgovarajućem sistemu i iskazana u katalozima biblioteke.

Član 15.

Korisna površina specijalne biblioteke u sastavu ne može biti manja od 30 m².

U korisnu površinu specijalne biblioteke u sastavu spada prostor za smještaj, čuvanje, stručnu obradu i korišćenje bibliotečke građe.

Član 16.

Na opremu za smještaj, čuvanje i korišćenje bibliotečke građe specijalne biblioteke u sastavu shodno se primjenjuju jugoslovenski standardi za opremu specijalnih biblioteka.

Član 17.

Specijalna biblioteka u sastavu treba da ima najmanje jednog stručnog bibliotečkog radnika sa visokom stručnom spremom.

Član 18.

Biblioteke u sastavu organizacija udruženog rada iz oblasti kulture, obrazovanja i vaspitanja i nauke, koje se povezuju u jedinstven bibliotečko-informacioni sistem u Socijalističkoj Republici Bosni i Hercegovini, dužne su da ispune uslove propisane ovim pravilnikom u roku od dvije godine od dana njegovog stupanja na snagu.

Biblioteke koje nisu obuhvaćene prethodnim stavom mogu se uključivati u jedinstveni bibliotečko-informacioni sistem kada ispune uslove propisane ovim pravilnikom.

Član 19.

Biblioteka koja obavlja matične poslove bibliotečke djelatnosti evidentira biblioteke iz člana 18. ovog pravilnika koje ispunjavaju uslove za uključivanje u jedinstveni bibliotečko-informacioni sistem i o tome obavještava Narodnu i univerzitetsku biblioteku Bosne i Hercegovine.

Član 20.

Ovaj pravilnik stupa na snagu osmog dana od dana objavljivanja u »Službenom listu SRBiH«.

Broj 02-021-15
31. oktobra 1988. godine
Sarajevo

Predsjednik Komiteta,
Nevenka Selimović, s.r.

399

Na osnovu člana 18. Zakona o izvorima i načinu obezbjeđenja sredstava Fondu federacije za kreditiranje brzog razvoja privredno nedovoljno razvijenih republika i autonomnih pokrajina u periodu od 1987. do 1990. godine (»Službeni list SRBiH«, br. 45/86 i 37/88), republički sekretar za finansije, donosi

UPUTSTVO

O DOPUNAMA UPUTSTVA ZA IZVRŠENJE ČL. 2, 8, 9, 10, 11, 12, 13 I 15. ZAKONA O IZVORIMA I NAČINU OBEZBJEĐENJA SREDSTAVA FONDU FEDERACIJE ZA KREDITIRANJE BRZOG RAZVOJA PRIVREDNO NEDOVOLJNO RAZVIJENIH REPUBLIKA I AUTONOMNIH POKRAJINA U PERIODU OD 1987. DO 1990. GODINE

1. U Uputstvu za izvršenje čl. 2, 8, 9, 10, 11, 12, 13. i 15. Zakona o izvorima i načinu obezbjeđenja sredstava Fondu federacije za kreditiranje brzog razvoja privredno nedovoljno razvijenih republika i autonomnih pokrajina u periodu od 1987 do 1990. godine (»Službeni list SRBiH«, broj 4/88) u nazivu iza broja »11« dodaje se broj: »11a.«.

2. Prilikom podnošenja naloga za uplatu zajma Fondu federacije, odnosno naloga za prenos sredstava Fonda federacije namijenjenih udruživanju na poseban račun ili naloga za prenos sredstava Fonda federacije na račun investitora kod koga se realizuje program udruživanja sredstava Fonda federacije, odnosno na račun interne banke, u skladu sa tačkom 2. Uputstva, obveznici su dužni podnijeti obrazac ZNP sa izvršenim obračunom sredstava Fondu federacije, u skladu sa Zakonom

o izmjenama i dopunama Zakona o izvorima i načinu obezbjeđenja sredstava Fondu federacije za kreditiranje bržeg razvoja privredno nedovoljno razvijenih republika i autonomnih pokrajina u periodu od 1987. do 1990. godine (u daljem tekstu: izmjene i dopune republičkog zakona).

Obrazac ZNP po završnom računu za 1987. godinu, sačinjen u skladu sa prethodnim stavom, potrebno je podnijeti Službi društvenog knjigovodstva do 25. novembra 1988. godine.

3. U obrascu ZNP po završnom računu za 1987. godinu, u dijelu pod »B« na rednom broju 2. i 3. u koloni 11 izvršice se novi obračun sredstava Fondu federacije za 1988. godinu, a na rednom broju 4. kolona 11 novi mjesečni obračun sredstava Fondu federacije za 1988. godinu.

4. Kumulativni obračun za period januar - novembar 1988. godine, utvrđen na osnovu mjesečne obaveze Fondu federacije s rednog broja 4. kolona 11. obrazac ZNP pod »B« staviće se u odnos sa izvršenjem obaveza prema Fondu federacije za period januar - oktobar 1988. godine.

Razlike između sredstava Fonda federacije utvrđene po obračunu iz prethodnog stava za period januar - novembar 1988. godine i izvršenih obaveza za period januar - oktobar 1988. godine, izvršice se korekcijom obaveza prema Fondu federacije za mjesec novembar 1988. godine.

Ukoliko je iznos po izvršenim obavezama prema Fondu federacije za period januar - oktobar 1988. godine veći od iznosa po korigovanom obračunu sredstava Fondu federacije primjenom novih stopa za period januar - novembar 1988. godine, neće se vršiti uplate mjesečne akontacije za mjesec novembar 1988. godine, s tim što će se eventualno veće razlike korigovati prilikom izvršavanja akontacije sredstava Fondu federacije za mjesec decembar 1988. godine.

5. Sredstva Fonda federacije koja su u skladu sa članom 11. stav 3. izmjena i dopuna republičkog zakona, namijenjena udruživanju, vodiće se na računu Privredne banke Sarajevo - Udružene banke, broj: 10100-748-21 kod Službe društvenog knjigovodstva - Filijala Sarajevo.

6. Banka je dužna da Službi društvenog knjigovodstva dostavlja podatke o iznosu neudruženih sredstava Fonda federacije koja su sa posebnog računa Banke, na dan 15. u mjesecu po isteku prethodnog tromjesečja, prenijeta na poseban račun Fonda federacije kao sredstva namijenjena udruživanju i podatke o udruženim sredstvima koji treba da sadrže naziv obveznika čija su sredstva udružena, iznos udruženih sredstava, naziv i broj žiro-računa investitora, odnosno nosioca udruženih sredstava, kao i datum uplate odnosno prenosa sredstava.

7. Ovo uputstvo stupa na snagu narednog dana od dana objavljivanja u »Službenom listu SRBiH«.

Broj 03-021-867

31. oktobra 1988. godine
Sarajevo

Republički sekretar,
Ranko Pejić, s. r.

400

Na osnovu čl. 3. i 5. Dogovora o načinu objavljivanja propisa o porezima i doprinosima iz dohotka osnovnih organizacija udruženog rada i ličnih dohodaka odnosno prihoda radnika i građana (»Službeni list SRBiH«, broj 15/76), Republički sekretarijat za finansije, objavljuje

IZVODE

IZMJENA IZ ODLUKA SKUPŠTINA OPŠTINA I SKUPŠTINA SAMOUPRAVNIH INTERESNIH ZAJEDNICA O STOPAMA POREZA I DOPRINOSA IZ LIČNOG DOHOTKA IZ RADNOG ODNOSA PO OPŠTINAMA

U Izvodima iz odluka skupština opština i skupština samoupravnih interesnih zajednica o stopama poreza i doprinosa iz ličnih dohodaka iz radnog odnosa po opštinama (»Službeni list SRBiH«, br. 4/88, 5/88, 6/88, 7/88, 8/88, 11/88, 12/88, 13/88, 17/88, 18/88, 20/88, 23/88, 27/88, 29/88, 30/88,

31/88, 32/88, 33/88, 34/88, 35/88, 36/88, 37/88 i 38/88), vrše se sljedeće izmjene:

Br.	Opština	Porez iz LD	Fiz. kul.	Soc. zašt.	Dječ. zašt.	Zbirna stopa
10.	Bos. Novi	-	0,35	0,50	0,50	1,35
30.	Fojnica	1,00	0,12	0,50	0,41	2,03
31.	Gacko	1,10	0,12	0,49	1,40	3,11
39.	Han Pijesak	3,40	0,25	0,23	0,14	4,02
48.	Kladanj	3,00	0,28	0,58	0,58	4,44
57.	Lopare	1,00	0,15	0,80	0,30	2,25
70.	Olovo	1,70	0,06	0,37	0,19	2,32
74.	Prijedor	-	-	0,40	0,30	0,70
76.	Prozor	1,26	0,18	0,70	0,23	2,37
81.	Sken. Vakuf	1,70	0,13	0,65	0,45	2,93
94.	Trebinje	0,10	0,22	0,48	0,20	1,00
97.	Ugljevik	1,65	0,05	0,47	0,28	2,45
100.	Visoko	0,75	0,20	0,32	0,41	1,68
108.	Žepče	2,00	0,07	1,20		3,27
110.	Sarajevo	1,40	0,20	0,30	0,59	2,49

Broj 05-021-17

11. novembra 1988. godine
Sarajevo

Republički sekretar,
Ranko Pejić, s. r.

Na osnovu člana 163. stav 1. Zakona o državnoj upravi (»Službeni list SRBiH«, br. 38/78, 13/82, 40/82, 40/84 i 12/87), Izvršno vijeće Skupštine Socijalističke Republike Bosne i Hercegovine donosi

RJEŠENJE

O RAZRJEŠENJU SAVJETNIKA PREDSEDNIKA REPUBLIČKOG KOMITETA ZA POLJOPRIVREDU, ŠUMARSTVO I VODOPRIVREDU

Razrješava se dužnosti savjetnika predsjednika Republičkog komiteta za poljoprivredu, šumarstvo i vodoprivredu AB-DULAH KAPIC sa 5. novembrom 1988. godine radi odlaska na drugu dužnost.

Ovo rješenje objaviti u »Službenom listu SRBiH«.

I.V. broj 142/88

3. novembra 1988. godine
Sarajevo

Predsjednik
Izvršnog vijeća,
Marko Čeranić, s. r.

Na osnovu člana 163. stav 1. Zakona o državnoj upravi (»Službeni list SRBiH«, br. 38/78, 13/82, 40/82, 40/84 i 12/87), Izvršno vijeće Skupštine Socijalističke Republike Bosne i Hercegovine donosi

RJEŠENJE

O RAZRJEŠENJU SAVJETNIKA PREDSEDNIKA REPUBLIČKOG KOMITETA ZA RAD I ZAPOSŁJAVANJE

Razrješava se dužnosti savjetnika predsjednika Republičkog komiteta za rad i zapošljavanje ALIJA TUCAKOVIĆ sa 5. novembrom 1988. godine, radi odlaska u penziju.

Ovo rješenje objaviti u »Službenom listu SRBiH«.

I.V. broj 143/88

3. novembra 1988. godine
Sarajevo

Predsjednik
Izvršnog vijeća,
Marko Čeranić, s. r.

Na osnovu člana 163. stav 1. Zakona o državnoj upravi (»Službeni list SRBiH«, br. 38/78, 13/82, 40/82, 40/84 i 12/87), Izvršno vijeće Skupštine Socijalističke Republike Bosne i Hercegovine donosi

RJEŠENJE**O RAZRJEŠENJU SAVJETNIKA DIREKTORA SERVISA ZA UGOSTITELJSKE USLUGE REPUBLIČKIH ORGANA**

Razrješava se dužnosti savjetnika direktora Servisa za ugostiteljske usluge republičkih organa ŠUČRIJA BILALOVIĆ sa 5. novembrom 1988. godine radi odlaska u penziju. Ovo rješenje objaviti u »Službenom listu SRBiH«.

I.V. broj 144/88
3. novembra 1988. godine
Sarajevo

Predsjednik
Izvršnog vijeća,
Marko Čeranić, s.r.

Na osnovu člana 163. stav 1. Zakona o državnoj upravi (»Službeni list SRBiH«, br. 38/78, 13/82, 40/82, 40/84 i 12/87), Izvršno vijeće Skupštine Socijalističke Republike Bosne i Hercegovine donosi

RJEŠENJE**O POSTAVLJENJU POMOĆNIKA PREDSEDNIKA REPUBLIČKOG KOMITETA ZA URBANIZAM, GRAĐEVINARSTVO, STAMBENE I KOMUNALNE POSLOVE**

Za pomoćnika predsjednika Republičkog komiteta za urbanizam, građevinarstvo, stambene i komunalne poslove postavlja se ENES SMAJLOVIĆ, dosadašnji pomoćnik predsjednika tog komiteta.

Ovo rješenje objaviti u »Službenom listu SRBiH«.

I. V. broj 145/88
3. novembra 1988. godine
Sarajevo

Predsjednik
Izvršnog vijeća,
Marko Čeranić, s.r.

Ustavni sud BiH

Ustavni sud Bosne i Hercegovine, na osnovu člana 387. stav 1. tačka 3. Ustava Socijalističke Republike Bosne i Hercegovine, ocjenjujući zakonitost odredbe člana 26. Pravilnika o stambenim odnosima Osnovne organizacije udruženog rada Distributivni centar »Konjic«, u sastavu Radne organizacije »Komercc« Sarajevo, od 5. oktobra 1987. godine, na sjednici bez javne rasprave, održanoj 29. septembra 1988. godine, donio je

ODLUKU

Ukida se odredba člana 26. Pravilnika o stambenim odnosima Osnovne organizacije udruženog rada Distributivni centar »Konjic« Konjic, u sastavu Radne organizacije »Komercc« Sarajevo od 5. 10. 1987. godine.

Ova odluka objaviće se u »Službenom listu SR BiH« i u Osnovnoj organizaciji udruženog rada Distributivni centar »Konjic« Konjic, na način predviđen za objavljivanje samoupravnih opštih akata.

Rješenjem Ustavnog suda Bosne i Hercegovine od 28. 7. 1988. godine, pokrenut je postupak za ocjenjivanje ustavnosti i zakonitosti odredbe člana 26. Pravilnika, kojom je utvrđeno da se članovima porodičnog domaćinstva, pored bračnih drugova, smatraju djeca (rođena, usvojena, pastorčad) i roditelji pod uslovom da žive u zajedničkom porodičnom domaćinstvu i da su ih bračni drugovi dužni izdržavati i izdržavaju u skladu sa odredbama Zakona o porodičnim odnosima.

Zakonom o stambenim odnosima (»Službeni list SR BiH«, broj 14/84 - prečišćeni tekst i 12/87) propisano je da se članovima porodičnog domaćinstva nosioca stanarskog prava, u smislu ovog zakona, smatraju: bračni drug, djeca (rođena u braku ili van braka, usvojena, pastorčad), bračni drugovi djece, roditelji bračnih drugova (otac, majka, očuh, maćeha, usvojilac, braća i sestre, unučad bez roditelja, kao i lica koja je nosilac stanarskog prava dužan po zakonu da izdržava ili su ta lica dužna po zakonu da izdržavaju nosioca stanarskog prava, a

koja zajedno s njim trajno žive i stanuju, kao i lica koja sa nosiocem stanarskog prava žive u ekonomskoj zajednici u istom stanu više od deset godina ili više od pet godina ako su se uvela u stan na osnovu ugovora o doživotnom izdržavanju nosioca stanarskog prava (član 6. stav 2.).

Navedenim zakonskim odredbama poimenično su utvrđena lica koja se smatraju članovima porodičnog domaćinstva. S obzirom da je Zakon utvrdio ko se smatra članom porodičnog domaćinstva radnika, to se samoupravnim opštīm aktom kojim se utvrđuju kriteriji i mjerila za rješavanje stambenih potreba, ne može sužavati krug lica utvrđen odredbom člana 6. stav 2. Zakona o stambenim odnosima.

Stoga je odredba člana 26. Pravilnika, po ocjeni Ustavnog suda, u suprotnosti sa zakonom.

Ovu odluku Ustavi sud je donio u sastavu: predsjednik Ustavnog suda Slavojka Todorović i sudije Anđelko Kovačević, Ljubo Kovačević, mr Alija Latić, Enver Lihčić, dr Ćazim Sadić, Nedo Stipić i dr Anđelko Veljić.

U broj 149/88
29. septembra 1988. godine
Sarajevo

Predsjednik
Ustavnog suda Bosne i
Hercegovine,
Slavojka Todorović, s.r.

Ustavni sud Bosne i Hercegovine, na osnovu člana 387. stav 1. tačka 3. Ustava Socijalističke Republike Bosne i Hercegovine, ocjenjujući zakonitost Dogovora o načinu nabavki električne energije u 1987. godini i načinu naknade troškova za te nabavke Skupštine Samoupravne interesne zajednice Elektroprivrede Bosne i Hercegovine (»Službeni list SR BiH«, broj 4/87, 11/87 i 21/87), na sjednici bez javne rasprave, održanoj 15. septembra 1988. godine, donio je

ODLUKU

Ukida se Dogovor o načinu nabavki električne energije u 1987. godini i načinu naknade troškova za te nabavke, koji je donijela Skupština Samoupravne interesne zajednice Elektroprivrede Bosne i Hercegovine (»Službeni list SR BiH«, broj 4/87, 11/87 i 21/87).

Ova odluka objaviće se u »Službenom listu SR BiH« i u Samoupravnoj interesnoj zajednici Elektroprivrede Bosne i Hercegovine na način predviđen za objavljivanje samoupravnih opštih akata.

Rješenjem Ustavnog suda Bosne i Hercegovine od 7. maja 1987. godine pokrenut je postupak za ocjenjivanje zakonitosti navedenog dogovora kojim je utvrđeno: da radi podmirjenja potreba u električnoj energiji koja se ne može obezbijediti iz elektroenergetskog sistema Bosne i Hercegovine u 1987. godini, SOUR »Elektroprivreda BiH« se obavezuje da će u 1987. godini obezbijediti 750 odnosno 1637 kwh električne energije nabavkom od drugih elektroprivreda u zemlji, obezbjeđenjem učešća u raspodjeli električne energije iz uvoza koju vrši Zajednica Jugoslovenske elektroprivrede, nabavkom električne energije sa konvertibilnog i klirinškog područja i nabavkom od industrijskih TE i TE-TO u Bosni i Hercegovini (tačka II.); da pošto je prosječna cijena električne energije, koja se nabavlja i uvozi, veća od prosječne cijene električne energije utvrđene tarifnim stavovima »Elektroprivrede BiH« potrošači električne energije, osim domaćinstava, obavezuju se da će naknaditi razliku u cijeni električne energije i plaćati 1 odnosno 0,80 dinara Kwh na ukupno preuzete količine električne energije u vremenu od 1. januara do 31. 8. 1987. godine, s tim da plaćeni iznos sredstava iz prethodnog stava predstavlja akontaciju na ime razlike u cijeni (tačka III stav 1, 3. i 4.); da će konačan obračun sredstava za nabavku i uvoz električne energije izvršiti »Elektroprivreda BiH« najkasnije do kraja februara 1988. godine i o tome podnijeti izvještaj Skupštini zajednice, koja će na osnovu obračuna iz prethodnog stava utvrditi obaveze i prava potrošača električne energije i »Elektroprivrede BiH« u vezi sa nabavkom i uvozom električne energije u snošenju troškova tih nabavki (tačka VII); da su se potrošači električne energije i elektroprivredne ganizacije obavezni pridržavati odredaba

ovog dogovora i preduzimati sve potrebne mjere za njegovu realizaciju (tačka IX) i da dogovor stupa na snagu osmog dana od dana objavljivanja, a primjenjuje se od 1. januara 1987. godine (tačka XIII).

Zakonom o elektroprivredi (»Službeni list SR BiH«, broj 16/78 i 40/82) propisano je: da se odnosi između elektroprivrednih organizacija kao isporučilaca električne energije i potrošača električne energije regulišu u skladu sa opštim uslovima za isporuku električne energije tarifnim sistemom, tarifnim stavovima za isporuku električne energije i drugim opštim aktima Samoupravne interesne zajednice Elektroprivrede, a u skladu sa ovim zakonom (član 10.); da se opštim uslovima za isporuku električne energije reguliše način isporuke električne energije i utvrđuju uzajamna prava i obaveze elektroprivrednih organizacija (isporučilaca) i potrošača električne energije, a naročito uslovi, način i rokovi zaključivanja ugovora o isporuci električne energije, obaveze isporučilaca u kontinuiranom snabdijevanju potrošača kvalitetnom energijom, obaveze potrošača, te način plaćanja električne energije (član 11. stav 1. tačka 3, 5. i 8.) i da se tarifnim stavovima utvrđuju cijene električne energije prema vrsti i kategoriji potrošnje i da na tarifne stavove saglasnost daje Izvršno vijeće (član 12. u vezi sa članom 35.).

Prema navedenim zakonskim odredbama opštim uslovima za isporuku električne energije uređuju se prava i obaveze iz osnova isporuke električne energije, dok se cijena električne energije utvrđuje tarifnim stavovima na osnovu tarifnog sistema. Š obzirom na tako regulisane odnose, isporučilaca i potrošača električne energije, Ustavni sud je ocijenio da je Dogovor u suprotnosti sa navedenim odredbama Zakona o elektroprivredi jer se tim dogovorom kao posebnim aktom, mimo opštih uslova za isporuku električne energije, tarifnog sistema i tarifnih stavova, utvrđuju obaveze potrošača iz osnova isporuke i plaćanja električne energije i utvrđuje cijena električne energije.

S obzirom na izloženo odlučeno je kao u dispozitivu ove odluke.

Ovu odluku Ustavni sud je donio u sastavu: predsjednik Ustavnog suda Slavojka Todorović i sudije Ljubo Kovačević, dr Pero Krijan, mr Alija Latić, Enver Lihčić, dr Čazim Sadiković, Nedo Stipić i dr Anđelko Veljić.

U broj 102/87

15. septembra 1988. godine
Sarajevo

Predsjednik
Ustavnog suda Bosne i
Hercegovine,
Slavojka Todorović, s.r.

Republička izborna komisija

Socijalistička Republika Bosna i Hercegovina
REPUBLIČKA IZBORNA KOMISIJA
SARAJEVO

Broj 15/88
9. novembra 1988. godine
Sarajevo

Na osnovu člana 34. stav 1. tačka 3. u vezi sa članom 128. Zakona o izboru delegacija u osnovnim samoupravnim organizacijama i zajednicama i delegata u skupštine opština i Skupštinu Socijalističke Republike Bosne i Hercegovine - Prečišćeni tekst (»Službeni list SRBiH«, broj 28/85), Republička izborna komisija u Sarajevu donosi

RJEŠENJE

Potvrđuje se jedinstvena kandidatska lista za dopunski izbor sedam delegata u Društveno-političko vijeće Skupštine SR BiH, koju je u zakonom propisanom roku utvrdilo i podnijelo Predsjedništvo Republičke konferencije Socijalističkog saveza radnog naroda Bosne i Hercegovine.

Jedinstvena kandidatska lista utvrđena je u sljedećem sastavu:

1. BJELICA NEDO, rođen 1941. godine u Trnovu, Srbin, profesor sociologije, član Predsjedništva Vijeća Saveza sindikata Bosne i Hercegovine na stalnom radu, Sarajevo, član delegacije Vijeća Saveza sindikata Bosne i Hercegovine

2. ĐIPA SAFET, rođen 1953. godine u Kalinoviku, Musliman, VKV radnik, sekretar Opštinskog sekretarijata za opšte-narodnu odbranu u Derventi, član delegacije Centralnog komiteta Saveza komunista Bosne i Hercegovine

3. GRUBIŠIĆ ŽELJA, rođena 1939. godine u Tivtu, Hrvatica, inženjer agronomije u Osnovnoj privrednoj komori u Mostaru, član delegacije Vijeća Saveza sindikata Bosne i Hercegovine

4. MALJUKAN DUŠANKA, rođena 1951. godine u Reljevu - Sarajevo, Srkinja, tehnolog u RO »Kras« Sarajevo, član delegacije Centralnog komiteta Saveza komunista Bosne i Hercegovine

5. MILIČIĆ MILAN, rođen 1954. godine u Bosanskom Brodu, Srbin, KV radnik - predsjednik Opštinskog komiteta Socijalističkog saveza radnog naroda Bosanski Brod, član delegacije Centralnog komiteta Saveza komunista Bosne i Hercegovine

6. OSMANKIĆ REDŽEP, rođen 1946. godine u Todorovu - Velika Kladuša, Musliman, KV električar u OOUR »Igmin« RO »GRUPEKS« u Velikoj Kladuši, član delegacije Vijeća Saveza sindikata Bosne i Hercegovine

7. ŠUPUKOVIĆ TADIJA, rođen 1946. godine u Maglaju, Hrvat, član Predsjedništva Vijeća Saveza sindikata Bosne i Hercegovine na stalnom radu u Vijeću, Sarajevo, član delegacije Vijeća Saveza sindikata Bosne i Hercegovine.

Sekretar,
Ranko Čajić s.r.

Predsjednik,
Tahir Tanović, s.r.

Samoupravna interesna zajednica za magistralne puteve BiH

Na osnovu člana 105. Zakona o putevima (»Službeni list SRBiH«, br. 6/78 i 21/83) i člana 48. Statuta Samoupravne interesne zajednice za magistralne puteve Bosne i Hercegovine (»Službeni list SRBiH«, br. 32/78 i 15/81), Skupština Samoupravne interesne zajednice za magistralne puteve Bosne i Hercegovine na 13. sjednici održanoj 3. novembra 1988. godine, uz pribavljene saglasnosti samoupravnih interesnih zajednica za regionalne puteve u SRBiH, donijela je

ODLUKU

O IZMJENAMA I DOPUNAMA ODLUKE O VISINI
NAKNADE ZA VANREDNU UPOTREBU PUTA
(VANREDNI PREVOZ)

Član 1.

U Odluci o izmjenama i dopunama Odluke o visini naknade za vanrednu upotrebu puta (vanredni prevoz), broj 01-1247/87 od 7. 10. 1987. godine (»Službeni list SRBiH«, broj 31/87), član 1. mijenja se i glasi:

»Za prekoračenje najveće dozvoljene dužine vozila, naknada iznosi:

- za prekoračenje dužine do 20%	75 din/km
- za prekoračenje dužine preko 20%	150 din/km

Za prekoračenje najveće dozvoljene širine vozila od 2,50 m, naknada iznosi:

- za širinu preko 2,50 m do 3,00 m	75 din/km
- za širinu preko 3,00 m do 4,00 m	150 din/km
- za širinu preko 4,00 m	225 din/km

Za prekoračenje najveće dozvoljene visine vozila od 4,00 m, naknada iznosi:

- za visinu preko 4,00 m do 4,50 m	75 din/km
- za visinu preko 4,50 m	150 din/km.

Član 2.

Član 2. mijenja se i glasi:

»Za prekoračenje najveće dozvoljene mase vozila od 40 t, naknada iznosi:

- za prekoračenje mase preko 40 t do 60 t, za svaku tonu preko 40 t 100 din/tkm
- za prekoračenje mase preko 60 t do 80 t, za svaku tonu preko 40 t 200 din/tkm
- za prekoračenje mase preko 80 t za svaku tonu preko 40 t 750 din/tkm«.

Član 3.

Član 3. mijenja se i glasi:

»Ako vozilo, u stanju mirovanja na horizontalnoj podlozi, na jednoj ili više jednostrukih osovina prekoračuje najveće dozvoljeno osovinsko opterećenje od 10 tona, za svaku od tih osovina, a u zavisnosti od prekoračenja izraženog u tonama, naknada iznosi:

Prekoračenje	Na putu sa dozvoljenim opterećenjem od		
	10 t/OS	8t/OS	6t/OS
Iznos naknade			
1	2	3	4
1 tona	225	250	280
2 tone	700	732	787
3 tone	1.302	1.412	1.495
4 tone	2.097	2.372	2.557
5 tona	3.125	3.630	4.117
6 tona	4.375	5.190	6.300
7 tona	5.862	7.057	9.325
8 tona	7.620	9.175	13.147
9 tona	9.677	11.652	18.142
10 tona	11.902	14.332	24.670
11 tona	14.282	17.200	32.817
12 tona	17.140	20.640	42.662

Član 4.

Ova odluka stupa na snagu osmog dana od dana objavljivanja u »Službenom listu SRBiH«.

Broj 01-3725-2/88

3. novembra 1988. godine
Sarajevo

Predsjedavajući,
dipl. ing. Stanko Zelenika, s.r.

Samoupravna interesna zajednica usmjerenog obrazovanja i vaspitanja Bihać

Na osnovu člana 1. stav 2. Zakona o načinu raspolaganja viškovima prihoda društveno-političkih zajednica (»Službeni list SFRJ«, br. 76/82 i 15/83) i člana 38. Statuta Samoupravne interesne zajednice srednjeg usmjerenog obrazovanja i vaspitanja Bihać, Izvršni odbor SJZ-a po ovlaštenju Skupštine Zajednice na sjednici Izvršnog odbora održanoj 4. novembra 1988. godine, donosi

ODLUKU

O IZMJENI I DOPUNI ODLUKE O STOPI DOPRINOSA IZ DOHOTKA ZA SREDNJE USMJERENO OBRAZOVANJE I VASPITANJE BIHAĆ ZA 1988. GODINU

Član 1.

U Odluci o stopi doprinosa iz dohotka za srednje usmjerenog obrazovanje i vaspitanje Bihać za 1988. godinu (»Službeni list SRBiH, broj 34/88) u članu 1. procenat »3,00« zamjenjuje se procentom »2,90«.

Član 2.

Ova odluka stupa na snagu po objavljivanju u »Službenom listu SRBiH«, a primjenjivaće se od 1. januara 1988. godine.

Broj 04/1-179/88
4. novembra 1988. godine
Bihać

Predsjednik
Izvršnog odbora,
Suad Grošić, s.r.

Samoupravna interesna zajednica usmjerenog obrazovanja i vaspitanja Jajce

Na osnovu člana 27. Zakona o samoupravnim interesnim zajednicama obrazovanja i vaspitanja (»Službeni list SRBiH«, br. 7/75, 6/76, 15/78, 31/80, 22/81 i 33/81), čl. 8. 15. i 35. Zakona o finansiranju zajedničkih potreba (»Službeni list SRBiH«, broj 1/88) i člana 17. Statuta Samoupravne interesne zajednice usmjerenog obrazovanja i vaspitanja Jajce, Skupština Zajednice na sjednici od 27. oktobra 1988. godine, donijela je

ODLUKU

O IZMJENAMA I DOPUNAMA ODLUKE O VISINI STOPE DOPRINOSA ZA SREDNJE USMJERENO OBRAZOVANJE I VASPITANJE ZA 1988. GODINU

Član 1.

U Odluci o stopama doprinosa za srednje usmjerenog obrazovanje i vaspitanje za 1988. godinu (»Službeni list SRBiH«, broj 9/88), u članu 2. stopa doprinosa iz dohotka organizacija udruženog rada i radnih zajednica »6,50%« zamjenjuje se stopom »5,0%«.

Član 2.

Ova odluka stupa na snagu danom objavljivanja u »Službenom listu SRBiH«, a primjenjivaće se od 1. januara 1988. godine.

Broj 66/88
27. oktobra 1988. godine
Jajce

Predsjednik
Skupštine Zajednice,
Nusret Filipović, s.r.

SADRŽAJ

- 396 Odluka o određivanju najvišeg nivoa cijena i najviših cijena za određene proizvode i usluge od interesa za SRBiH 1029
- 397 Odluka o kriterijima i mjerilima za raspodjelu sredstava namijenjenih za zaštitu životnog standarda radnih ljudi i građana s najnižim primanjima na nošioce socijalno-zaštitnih prava ... 1029
- 398 Pravilnik o uslovima za rad biblioteka koje se organizuju kao organizacione jedinice 1030

- 399 Uputstvo o dopunama: Uputstva za izvršenje čl. 2, 8, 9, 10, 11, 12, 13. i 15. Zakona o izvorima i načinu obezbjeđenja sredstava Fondu federacije za kreditiranje bržeg razvoja privredno nedovoljno razvijenih republika i autonomnih pokrajina u periodu od 1987. do 1990. godine 1031
- 400 Izvodi izmjena iz odluka skupština opština i skupština samoupravnih interesnih zajednica o stopama poreza i doprinosa iz ličnog dohotka iz radnog odnosa po opštinama 1032

Rješenje o razrješenju savjetnika predsjednika Republičkog komiteta za poljoprivredu, šumarstvo i vodoprivredu	1032	REPUBLIČKA IZBORNA KOMISIJA	
Rješenje o razrješenju savjetnika predsjednika Republičkog komiteta za rad i zapošljavanje	1032	Rješenje o potvrdi jedinstvene kandidatske liste za dopunski izbor delegata u Društveno-političko vijeće Skupštine SRBiH	1034
Rješenje o razrješenju savjetnika direktora Servisa za ugostiteljske usluge republičkih organa	1033	SAMOUPRAVNA INTERESNA ZAJEDNICA ZA MAGISTRALNE PUTEVE BiH	
Rješenje o postavljenju pomoćnika predsjednika Republičkog komiteta za urbanizam, građevinarstvo, stambene i komunalne poslove	1033	Odluka o izmjenama u dopunama Odluke o visini naknade za vanrednu upotrebu puta (vanredni prevoz)	1034
USTAVNI SUD BiH		SAMOUPRAVNA INTERESNA ZAJEDNICA USMJERENOG OBRAZOVANJA I VASPITANJA BIHAĆ	
Odluka o ukidanju odredbe člana 26. Pravilnika o stambenim odnosima OOUR-a Distributivni centar »Konjic« Konjic, u sastavu RO »Komerc« Sarajevo, od 5. oktobra 1987. godine	1033	Odluka o izmjeni i dopuni Odluke o stopi doprinosa iz dohotka za srednje usmjereno obrazovanje i vaspitanje Bihać za 1988. godinu	1035
Odluka o ukidanju Dogovora o načinu nabavki električne energije u 1987. godini i načinu naknade troškova za te nabavke, koji je donijela Skupština SIZ-a elektroprivrede BiH (»Službeni list SRBiH«, br. 4/87, 11/87 i 21/87)	1033	SAMOUPRAVNA INTERESNA ZAJEDNICA USMJERENOG OBRAZOVANJA I VASPITANJA JAJCE	
		Odluka o izmjenama i dopunama Odluke o visini stope doprinosa za srednje usmjereno obrazovanje i vaspitanje za 1988. godinu	1035

Kod Novinsko-izdavačke organizacije Službeni list SRBiH možete poručiti sljedeće knjige:

KOMENTAR ZAKONA O ZAŠTITI OD POŽARA

Autor: Hajrudin J. Hodžić

Cijena 7.500 din.

KOMENTAR ZAKONA O NABAVLJANJU, DRŽANJU I NOŠENJU ORUŽJA I MUNICIJE

Autori: Hajrudin J. Hodžić i Milan Križanović

Cijena 3.200 din.

KOMENTAR ZAKONA O DRUŠTVENOJ SAMOZAŠTITI

Autori: Budimir Đorđić i Milenko Lepušina

Cijena 4.200 din.

OPŠTENARODNA ODBRANA I DRUŠTVENA SAMOZAŠTITA U SAMOUPRAVNIM OPŠTIM AKTIMA ORGANIZACIJA UDRUŽENOG RADA

Autor: Marko Mrković

Cijena 3.300 din

Narudžbe slati na adresu:

Službeni list SRBiH

71000 Sarajevo, Ul. Magribija 3. Poštanski fah 3. Tel. 071/33-840.

ISPORUKA ODMAH!